



অবিলম্বে প্রকাশের উদ্দেশ্যে: 2/1/2024

গভর্নর ক্যাথি হোকল

গভর্নর হোকল পরিষেবার জন্য প্রথম গ্যাংওয়ে ট্রেন চালু করলেন এবং 1,000টি সাবওয়ে বগিতে এখন ক্যামেরা রয়েছে বলে ঘোষণা করলেন

ট্রেন জুড়ে R211T বৈশিষ্ট্য বিশিষ্ট নিরাপত্তা ক্যামেরা, প্রশস্ত দরজা, প্রতি বগিতে ডিজিটাল স্ক্রিন এবং বাড়তি অ্যাক্সেসযোগ্যতার বৈশিষ্ট্য

আধুনিক যুগে মার্কিন যুক্তরাষ্ট্রে পরিচালনার জন্য ওপেন গ্যাংওয়ে বগির বৈশিষ্ট্য তুলে ধরতে প্রথম ট্রেন যা C লাইন ধরে চলাচল করবে

গভর্নর ক্যাথি হোকল আজ C লাইনে R211T ওপেন গ্যাংওয়ে সাবওয়ে কামরা আরম্ভের কথা ঘোষণা করেন, যা ওয়াশিংটন হাইট থেকে ইস্ট নিউ ইয়র্কের মধ্যে চলবে এবং ব্যবস্থাপনাটি জুড়ে ক্রমবর্ধনশীল ক্যামেরায় উল্লেখযোগ্য মাত্রায় অগ্রগতি চিহ্নিত করেন, যেখানে বর্তমানে 1,000টি সাবওয়ে বগি ক্যামেরায় সুসজ্জিত রয়েছে। এই ঘোষণার পরে গভর্নর হোকল, মেট্রোপলিটন ট্রান্সপোর্টেশন অথোরিটির নেতৃত্ব এবং নির্বাচিত কর্মকর্তাদের নিয়ে ওয়াশিংটন হাইটসের 168 St AC1 স্টেশন থেকে শুরু করে একটি উদ্বোধনী যাত্রা হয়েছিল, যা C লাইনের টার্মিনাল হিসাবে কাজ করে।

“এই সাবওয়েটি নিউ ইয়র্ক সিটির সঞ্জীবনী এবং এটি নিরাপদ, কার্যক্ষম এবং সফল রাখার জন্য আমরা রেকর্ড মাত্রায় বিনিয়োগ করছি,” বলেন গভর্নর হোকল। “নতুন ট্রেন বগি, বাড়তি নিরাপত্তা ক্যামেরা এবং আরও বিশ্বাসযোগ্য পরিষেবা সাবওয়ে সিস্টেমকে ভবিষ্যতের আরও কয়েক দশকের জন্য আরও উন্নত করে তুলবে।”

নিউ ইয়র্ক সিটির মেয়র এরিক অ্যাডামস বলেন, “আমাদের সাবওয়েগুলো নিউ ইয়র্ক সিটির মেরুদণ্ড — আর গভর্নর হোকল এবং MTA এর সাথে আমাদের অংশীদারিত্বের বদান্যতায়, আমাদের এই মেরুদণ্ড আরও শক্ত হয়ে উঠেছে। আরও নিউ ইয়র্কবাসী আমাদের সাবওয়ে দিয়ে যাতায়াত করছেন এবং আমরা মহামারী-পূর্ব রাইডারশীপের শীর্ষে ফিরে এসেছি। কোনও ভুল করবেন না: আমাদের অনেক কাজ করার আছে। তবে এই নতুন ট্রেনগুলো — এবং 1,000টি সাবওয়ে বগি যেখানে আমরা ইতিমধ্যে ক্যামেরা ইনস্টল করেছি — সকল নিউ ইয়র্কবাসীর জন্য একটি আরও নিরাপদ, মসৃণ সাবওয়ের অভিজ্ঞতা তৈরি করার লক্ষ্যে একটি দুর্দান্ত পদক্ষেপ।”

উদ্বোধনী সফরটি সূচিত করে যে প্রথমবারের মতো মার্কিন যুক্তরাষ্ট্রে একটি ওপেন গ্যাংওয়ে ট্রেন সাবওয়ের আধুনিক ইতিহাসে পরিচালিত হয়েছে। সংযুক্ত নিউ ইয়র্ক সিটি ট্রানজিটের অগ্রদূত তিনটি পরিচালনা কর্তৃপক্ষের মধ্যে অন্যতম একটি ব্রুকলিন-ম্যানহাটন ট্রানজিট কর্পোরেশন (BMT), 1925 থেকে 1965 সালের মধ্যে তিন-কারের ওপেন গ্যাংওয়ে সেগমেন্ট চালিয়েছিল।

ফেডারেল ট্রানজিট অ্যাডমিনিস্ট্রেশন (FTA) দ্বারা অর্থায়ন করা, ওপেন গ্যাংওয়ে R211T পাইলট বগিগুলো R211A এর প্রথাগত 60-ফুট কারের তুলনামূলক বড় অর্ডারের অংশ, যার মধ্যে দ্বিপাক্ষিক অবকাঠামো বিল (Bipartisan Infrastructure Bill) থেকে তহবিল অন্তর্ভুক্ত রয়েছে।

MTA প্রধান এবং CEO জেনো লিয়েবার বলেন, “MTA সাবওয়ে বগিগুলোর গড় জীবন 25 বছর এবং আমাদের সবচেয়ে বেশি বয়সী সাবওয়ে বগি R46-এর বয়স প্রায় 50 বছর। 20-বছরের প্রয়োজন মূল্যায়নে নির্দিষ্ট করা বিষয় অনুযায়ী, MTA-কে কয়েক হাজার বগি কিনতে হবে, সেগুলোকে অত্যন্ত উদ্ভাবনী ডিজাইনের হতে হবে এবং ফেডারেল ফান্ডিংয়ের যোগ্য হতে হবে। ওপেন গ্যাংওয়ে ডিজাইন নিউ ইয়র্কবাসীদের জন্য কার্যকর কিনা তা এই পাইলট কর্মসূচিটি আমাদের শেখাবে।”

নিউ ইয়র্ক সিটি কাউন্সিলের স্পিকার অ্যাড্রিয়েন অ্যাডামস বলেন, “গণ পরিবহন হল আমাদের শহরের সঞ্জীবনী, এবং এই নতুন ও উন্নত সাবওয়ে বগিগুলো সাবওয়ে জুড়ে আরও নিউ ইয়র্কবাসীদের সাহায্য করবে এবং তাদের গন্তব্যে নিরাপদে নিয়ে যাবে। আমাদের গণ পরিবহন ব্যবস্থায় বিনিয়োগ অব্যাহত রাখা এবং সংযুক্ত কারের মতো প্রয়োজনীয় নিরাপত্তার উন্নয়ন করা অত্যন্ত গুরুত্বপূর্ণ, যা কমিউনিটিগুলোর দীর্ঘকালীন চাহিদা। সময় এসেছে আমরা আমাদের সাবওয়ে আপডেট করি এবং বর্তমানে উপস্থাপিত করে যাতে আমরা আমাদের প্রয়োজনের মাত্রায় খাপ খাইয়ে নিতে পারি। আমি গভর্নর হোকল এবং সকল স্টেকহোল্ডারদের এই নতুন সংযোজনী সূচনায় তাদের নিরলস কাজের জন্য ধন্যবাদ জানাচ্ছি।”

নিউ ইয়র্ক সিটি কাউন্সিলের সংখ্যা গরিষ্ঠ পক্ষের উইপ সেলভেনা এন. ব্রুকস-পাওয়ার্স বলেন, “আমি NYC জুড়ে সাবওয়ে যাত্রীদের নিরাপত্তা উন্নত করার জন্য গভর্নর হোকলের প্রচেষ্টার প্রশংসা করি। এই ক্যামেরাগুলো যাত্রীদের জন্য একটি বাড়তি মাত্রায় সুরক্ষা দেবে এবং পরিবহন এবং অবকাঠামো কমিটির (Committee on Transportation and Infrastructure) সভাপতি হিসাবে, আমি গণ পরিবহনের নিরাপত্তা এবং অ্যাক্সেস অত্যন্ত গুরুত্বপূর্ণ বলে বিশ্বাস করি এবং এই ক্যামেরাগুলো সিটিজুড়ে যাতায়াতকারীদের আশ্বস্ত করতে সাহায্য করবে।”

NYC ট্রানজিট প্রেসিডেন্ট রিচার্ড ডেভি বলেন, “R211 ফ্লিট উপযুক্তভাবে আমাদের নিউ ইয়র্ক সিটি ট্রানজিটে উপস্থিত আরও দ্রুত, আরও পরিষ্কার, আরও নিরাপদ পরিষেবা মন্ত্রের সাথে আবদ্ধ। এই বগিগুলো বাইরে থেকে দেখতে এক মনে হলেও, ভিতরের চেহারা এবারই প্রথম। প্রশস্ত দরজা যাত্রীদের ট্রেনে নিরাপদে উঠতে সাহায্য করে এবং আশা করা হয় এই ওপেন গ্যাংওয়ে বগিগুলোর ফলে আগের তুলনায় আসন খুঁজে পাওয়া সহজ হবে।”

MTA প্রধান অ্যাক্সেসযোগ্যতার আধিকারিক (Chief Accessibility Officer) কাম্যুয়েল আরয়ো বলেন, “R211A কোনও অক্ষমতা থাকা যাত্রীদের জন্য সফরের অভিজ্ঞতা পাল্টেছে, প্রশস্ত দরজার পাশাপাশি সম্প্রসারিত অ্যাক্সেসযোগ্য বসার সুযোগ দিয়ে। ওপেন গ্যাংওয়ের ধারণা এক ধাপ এগিয়ে রয়েছে, আধুনিক সময়ে প্রথমবারের মতো ট্রেন থেকে না নেমে ট্রেনের বগিগুলোর মধ্যে নেভিগেট করার জন্য যাত্রীদের কোনও হুইলচেয়ার ব্যবহার করার বা কোনও স্ট্রোলার নিয়ে যাতায়াত করার সুযোগ দিয়ে।”

R211 সাবওয়ে বগিগুলো স্টেটজুড়ে MTA-এর চলমান আধুনিক প্রচেষ্টার একটি গুরুত্বপূর্ণ অংশ। আগাম ইনস্টল করা নিরাপত্তা ক্যামেরা থাকা বগিগুলো 1,000টি সাবওয়ে বগির প্রত্যেকটি বগিতে রয়েছে যেখানে ইতিমধ্যে পুরো সিস্টেমটি জুড়ে ইন-কার ক্যামেরা রয়েছে। বাকি NYC ট্রানজিট ফ্লিটে বগি-মধ্যস্থ ক্যামেরা ইনস্টলেশন 2025 এর জানুয়ারীর মধ্যে শেষ হবে বলে সূচিত হয়েছে। বগি-মধ্যস্থ ইনস্টলেশন সাবওয়ে সিস্টেমে ইতিমধ্যে উপস্থিত দামি ক্যামেরা নেটওয়ার্কের বাড়তি পাওনা। 1,000টি সাবওয়ে বগির ক্যামেরার সাথে অতিরিক্তভাবে, মোট 472টি স্টেশনে MTA-এর প্রায় 15,000টি ক্যামেরা আছে।

R211 বগিগুলোর বৈশিষ্ট্য 58-ইঞ্চি-প্রশস্ত দরজা খোলার ব্যবস্থা যা বিদ্যমান বগির বহরে মান্য দরজা খোলার ব্যবস্থার তুলনায় আট ইঞ্চি বেশি প্রশস্ত, যা বোর্ডিংয়ের গতি বাড়াতে এবং স্টেশনে ট্রেন থামার সময় কমাতে পরিকল্পিত। প্রশস্ত দরজার সাথে অতিরিক্তভাবে, এই বগিগুলোর মধ্যে অন্যান্য বৈশিষ্ট্যগুলোর মধ্যে রয়েছে বাড়তি অ্যাক্সেসযোগ্য আসন, আরও বিস্তারিত স্টেশন-নির্দিষ্ট তথ্য দেওয়ার জন্য ডিজিটাল ডিসপ্লে, এবং আরও উজ্জ্বল আলোর ব্যবস্থা এবং সাইনেজ যা উপভোক্তাদের অভিজ্ঞতা উন্নত করে।

[2023-এর অক্টোবরে](#) কর্তৃপক্ষ ঘোষণা করে যে R211S বগিগুলো এই বছর স্ট্যাটেন আইল্যান্ড রেলওয়ে (Staten Island Railway, SIR) থেকে শুরু করে আরম্ভ হবে। NYC ট্রানজিট R211A বগির আরও বেশি অর্ডারের অংশ হিসাবে 20টি ওপেন গ্যাংওয়ে বগি পেয়েছে।

###

আরো সংবাদ এখানে পাওয়া যাবে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)